

«1. Հողերը եկեղեցական-ծխական դպրոցների կայքերն ու դոյքերը և նրանց շէնքերը պետականացում են, եթէ նրանց դպրոցը բացւած չլինի այս օրէնքի հրատարակման օրը, կամ բացւելուց յետոյ փակւի և կամ, եթէ նա Հայաստանի պետական դանձարանից նպաստ է ստացել:

2. Պետականացուող կայքերն ու դոյքերը և նրանց շէնքերը յանձնւում են հանրային կրթութեան և արւեստի նախարարութեան, որը ծառայեցնում է նրանց դպրոցական նպատակների համար:

3. Որոշ պայմաններով և նպատակներով կտակւած կամ յատկացւած և այս օրէնքի ուժով պետականացուող կայքերը, դոյքերն ու շէնքերը անցնում են հանրային կրթութեան և արւեստի նախարարութեան այն պայմանով, որ վերջինս կատարում է կտակողների և յատկացողների կամքը անշեղ»:

Ապրիլին ընդունւեց մի ուրիշ օրինագիծ տարրական կրթութեան մասին.

«1. Պետական դպրոցներում տարրական կրթութիւնը վեցամեայ տևողութիւն ունի, որ բաժանւում է երկու եռամեակների:

2. Տարրական դպրոցներում աւանդւում են հետևեալ առարկաները. հայոց լեզու, թւարանութիւն, պատմութիւն, աշխարհագրութիւն, բնագիտութիւն, առողջապահիկ գիտելիքներ, երգեցողութիւն, նկարչութիւն, մարմնամարզ և ձեռքի աշխատանք ըստ հանրային կրթութեան և արւեստի նախարարութեան մշակած ծրագրի և կազմած դասարաշխման տախտակի:

Մասօրուքիւն. Այլադէի դպրոցներում պետական լեզուն աւանդւում է, ըստ համայնքի ցանկութեան, սկսած ուսման երրորդ տարւանից:

3. Այն գիւղերում, որ այսօր բաւարար թւով դպրոցական հասակի մանուկներ չունեն, բացւում են եռամեայ դասընթացով դպրոցներ:

4. Կենտրոնական գիւղերում բացւում են վեցամեայ դասընթացով դպրոցներ նոյն և մերձակօր գիւղերի աշակերտութեան համար:

5. Այն սաների համար, որ հնար չունեն վեցամեայ դպրոց յաճախելու կամ վեցամեան աւարտելով՝ միջնակարգ դպրոց անցնելու, համապատասխան դպրոցներում բացւում են չորրորդ և եօթերորդ լրացուցիչ դասարաններ»:

Մարտ 28-ին Դրամատիկական Դասընթացները տւին իրենց անդրանիկ երեկոյթը՝ դասընթացների վարիչ դերասան Վ. Միրզոյեանի առաջնորդութեամբ: Հանդէսը անցաւ մեծ յաջողութեամբ: Դասընթացների մի շարք ուսանողներ, որոնց մէջ և երիտասարդ դերասան Մ. Մարութեանը, աչքի ընկան իրենց շնորհալի խաղով:

Ապր. 18-ին բոյ-սկառուանների օր էր Երևանում: Քաղաքը ստացել էր տօնական տեսք: Փողոցներում տուփերով հանգանակութիւն էր կատարւում: Բոյ-սկառուանները երաժշտութեամբ կենդանութիւն էին մտցնում ամէն կողմ: Ամառնային աղումքում տեղի ունեցաւ հրապարակային մարզանք: Բոյ-սկառուանները, իրենց վարիչ հունգարացի Ալբերտ Սեղմայի առաջնորդութեամբ, գեղեցիկ խաղեր խաղացին՝ արժանանալով խոնւած հասարակութեան խանդավառ ծափերին: Սկառուական շարժումը հանրային կրթութեան նախարարութեան գուրդուրանքի առարկայ էր և շուտով լայն ծաւալ ստացաւ Հայաստանում, մանաւանդ, երբ արտասահմանից հասան փորձւած ղեկավար մարզիկներ՝ Վ. Չերագ, Սոյեան և այլն: